

Ethica dividitur in	Prudentiam Justitiam Fortitudinem Temperantiam.
---------------------------	--

*Prudentia* in agnitionem veritatis inducit hominem. *Justitia* dilectionem Dei et [amorem] proximi servat. *Fortitudo* vincit adversa, mortemque contemnit. *Temperantia* vitiosas voluptates reprimit, et omnia moderatur. Haec sunt quatuor virtutes principales, quae mores ornant, merita praebent, diabolum vincunt, celum aperiunt. Prima intelligit; secunda diligit; tertia victoriam dat; quarta modum imponit.

## XIII.

Prudentia dividitur in	Memoriam Intelligentiam Providentiam.
------------------------------	---

## XIV.

Justitia	Naturalis	Religio Pletas Gratia Vindicatio Observantia Veritas
	Consuetudinaria	Pactum Par Judicatum Lex.

## XV.

Fortitudo	Magnificentia Fidentia Patientia Perseverantia.	Temperantia	Continentia Clementia Modestia.
-----------	--	-------------	---------------------------------------

## XVI.

**P** O vos est ætas, juvenes, quibus apta loquendi  
 Discite: eunt anni, more fluentis aquæ.  
 Atque dies, dociles, vacuis ne perdite rebus.  
 Nec reddit unda fluens, nec reddit hora ruens.  
 Floreat in studiis virtutum prima juventus,  
 Fulgeat ut magno laudis honore senex.

**P** Uttere, quisque legas librum, feliciter annis [*Mss.*, istum]  
**F** Auctorisque [*Mss.*, auctorumque] memor dic, miserere Deus.  
**L** Si nostram, lector, festucam tollere quæras,  
**L** Robora de proprio lumine tolle prius.  
**P** Disce tuas, juvenis, ut agat facundia causas,  
**P** Ut sis defensor, cura, salusque tuis.  
**R** Disce, precor, juvenis, motus moresque venustos.  
**X** Laudetur toto ut nomen in orbe tuum.

Illos versus Quercetanus retulit ad Dialecticam; A. S. Gallensi, cum appositis litteris L et K, quas interpetratur de Carolo et Alcuino. Ast nescio an vir celeberrimus recte viderit; suspicor enim ibi easdem notas extare, quas vidi in codd. *mss.* supra laudatis, prout hic cum ipsis versibus exhibentur.

A. S. Gallensi, cum appositis litteris L et K, quas interpetratur de Carolo et Alcuino. Ast nescio an vir celeberrimus recte viderit; suspicor enim ibi easdem notas extare, quas vidi in codd. *mss.* supra laudatis, prout hic cum ipsis versibus exhibentur.

## OPUSCULUM QUARTUM.

## DE DIALECTICA.

## 334 MONITUM PRÆVIVUM.

Dialecticam Alcuini una cum Rhetorica jam anno 4529 publicis typis Hagenoæ per Menradum Moltherum prodidisse supra meminimus; quod non advertit cl. scriptor Historie Litterariorum Francicæ, qui tom. IV, pag. 317, num. 23 primam illius editionem Canisius attribuit. In magna Bibliotheca ecclesiastica recentatur similis utriusque opusculi editio Ingolstadiensis

B facta anno 1604, in-4°, quæ eadem est cum Canisiana. Separatim vero et absque Rhetorica ex quodam cod. ms. typis impressa est haec eadem Alcuini Dialectica Salisburgi cura viri cl. P. Matthæi Weiss SS. theologi doctoris et Universitatis rectoris, una cum *Introductione ad Logicam sive Organum Aristotelis*, anno 1629, ex typographia Christophori Kazenbergeri. In fine cl. P. Weiss hanc addidit censuram:

« Animadvertis, credo, lector, Alcuinum enumeratione potius et definitionibus atque exemplis passim usum, eo quod non tam subtilem et accuratam Dialecticam (quo nomine extra lycænum quidquid ad disserendi rationem pertinet, intelligitur) artem seu methodum scribere instituerit, quam ejusdem Dialecticæ elementorum qualenqualem tradere cognitionem. » Hæc ille. Mihi haud dubium est hanc Alcuini Dialecticam, etsi fortassis minus subtilis videatur quam Logica vulgaris Peripateticorum proximi temporis, multo tamen ista esse utiliorem.

Nos eam hoc loco exhibemus plurimis locis emendata ex codd. mss. Vindobonensi, Frisingensi et S. Emmerami; lectiones variantes et suppleta in textu inter uncos conclusa more nostro collocavimus.

Juvat hoc transcribere quæ ad hunc librum notavit celeberrimus Basnagius tom. II Lect. antiquarum, pag. 488, not. « Alia dialectica, inquit, sive alius est de Categoris liber ex Aristotele ab Albino translatus \* apud me ms. quem Carolo Magno hoc titulo et carmine inscribit : »

*Alcuinus magister e partibus Scythiae deveniens has Categories ab Aristotele Græcorum sermone edias, et post ab Augustino Latinis litteris elucidatas Caroli regi Francorum cum his versibus destinari.*

Continet iste decem naturæ verba libellus,  
Quæ jam verba tenent, rerum ratione stupenda,  
Omne quod in nostrum poterit currere sensum.  
Qui legit, ingenium veterum mirabile laudet,  
Atque suum studeat tali exercere labore,  
Exornans titulis vitæ data tempora honestis.  
Hunc Augustino placuit transferre magistro  
De veterum gazis Græcorum clave Latina :  
Quem tibi rex, magnus sophiæ sectator, amator,  
Munere qui tali gaudes, modo mitto legendum.

.... « Sed Categoræ illæ decem Augustino tribui non debent. Et revera Benedictini acutissimæ naris in distinguendis genuinis Augustini operibus in ea præstantissima, quam curarunt, editione, non modo Dialecticam et Categories ex Aristotele desumptas, sed et Grammaticam ut et Rhetoricam Augustino abjudicarunt, et in appendicem tom I cum cæteris operibus spurios rejecerunt. »

Nec de versibus hic descriptis certum omnino est, num habeant Alcuinum auctorem, quamvis illius nomen in fronte preferat codex quidam pervetus Sancti-Germanensis his verbis : *Prologus Alcuini ad Carolum Augustum super Categories sancti Augustini.* Vide appendices ad Opera sancti Augustini.

### 335 VERSUS

Me lege, qui veterum cupias cognoscere sensus,  
Me quicunque capit, rusticitate caret.  
Nolo meus lector segnis sit, nolo superbus,  
Devoti et humilis pectoris antra colo.  
Has rogo divitias sophiæ non temnat amator,  
Navita quas pelagi portat ab orbe suo.

### CAPUT PRIMUM.

#### DE PHILOSOPHIA ET PARTIBUS EJUS.

*Carolus.* Quia mentionem philosophiæ in priore disputationis nostræ sermone fecimus [Edit. Moltheri., quia mentionem in priori disputatione de philosophia sermone nostro fecimus], videtur condignum, magister, ut aliquanto latiore indagatione de ea disputare incipiamus. — *Albinus.* Faciamus, siuti tuæ videtur [Ms., videatur] sapientiæ condi-

\* Ab Alcuino translatus. Fallitur ex inadvertentia vir doctus. Dicere enim debebat; \* ab Augustino translatus, quem Alcuinus Carolo Magno... inscribit.»

A gnum. — C. Primo omnium dic unde dicta sit philosophia? — A. Ab amore sapientiæ. [Nam philosophia amor est sapientiæ]. Græci *philon* (φίλος) amorem, *sophiam* (σοφίαν) sapientiam vocant.

C. Dic ejus quoque definitionem. — A. Philosophia est naturarum inquisitio, rerum humanarum divinarumque cognitione, quantum homini possibile est aestimare. Est quoque philosophia honestas [Edit. honestitas] vitae, studium bene vivendi, meditatio mortis, contemptus sæculi; quod magis convenit Christianis, qui sæculi ambitione calcata disciplinabili similitudine futuræ patriæ vivunt.

C. Ex qua materia constat? — A. Scientia et opinione [Ms., opinatione; et infra, opinatio]. — C. Scientia quid est? — A. Scientia est cum res ali-

B qua certa ratione percipitur, ut, eclipsis solis lunaris corporis objectu est. — C. Opinio quid est? — A. Opinio est, cum incerta res latet et nulla firma ratione diffiniri potest, ut, magnitudo coeli, vel profunditas terræ. — C. In quot [Ms., in quas] partes dividitur philosophia? — A. In tres : physicam, ethicam, logicam. — C. Hæc quoque latino ore exprome [At., expone]. — A. Physica est naturalis, ethica moralis, logica rationalis. — C. Officia singularum specierum pande. — A. In physica igitur causa querendi, in ethica ordo vivendi, in logica ratio intelligendi versatur.

C. In quot species physica dividitur? — A. In quatuor : arithmeticam, geometriam, musicam, astronomiam.

C. In quot partes dividitur ethica? — A. In quatuor quoque : prudentiam, justitiam, fortitudinem, temperantiam, — C. Logica in quot species dividitur? — A. In duas, in dialecticam et rhetorican. In his quippe generibus tribus philosophiæ etiam eloquia divina consistunt.

C. Quomodo? — A. Nam aut de natura disputare solent, ut in Genesiet in Ecclesiaste; aut de moribus, ut in Proverbiiis et in omnibus sparsim libris; aut de logica, pro qua nostri theologicam sibi vindicant, ut in Canticis cantorum et sancto Evangelio.

C. Theologica quid est? — A. Theologica est, quæ Latine inspectiva dicitur, qua supergressi visibilia de divinis et celestibus aliquid mente solum contemplamur. Nam et in has quoque duas partes philosophia vera dividitur, id est, in inspectivam et actualem.

C. Actualis quæ est? — A. Actualis est, quæ in operationibus huic vitæ mortali necessariis consistit. Per hanc igitur modus [Ms., mos] honestus vivendi appetitur et instituta ad virtutes tendentia exercentur; per illam vero Deus amat, spe et fide colitur. — C. Quis est, qui philosophiæ [Edit., philosophiam] detrahere audeat. — A. Nullus sapiens. — C. Vere nullus sapiens. Sed pergamus ad dialecticæ artis inquisitionem [At., quæstionem]. Et primum dic, quid sit dialectica? — A. Dialectica est disciplina rationalis quærendi, diffiniendi et disserendi,

etiam et vera a falsis discernendi potens. — C. Unde dicta est dialectica? — A. Dicta est dialectica, quia in ea de dictis disputatur. Nam *lectio* [λέξις] dictio dicitur.

**336** C. Quid est inter dialecticam et rhetoricas? — A. Dialetica et rhetorica est, quod in manu hominis pugnus astrictus et palma distenta [Edit., distensa]. Illa brevi oratione argumenta [Al., et argumento] concludit; ista per facundiæ campos copioso sermone discurrit. Illa verba contrahit; ista distendit. Dialetica siquidem ad inventandas res acutior; rhetorica ad inventandas facundior. Illa raros et studiosos requirit; haec frequenter procedit in turbas. — C. Quot sunt species dialecticæ? — A. Quinque principales: isagogæ, categoriæ, syllogismorum formulæ [et] definitiones, topica, periermeniæ.

#### CAPUT II.

##### DE ISAGOGIS.

C. Quæ sunt isagogæ? — A. Isagoga quippe Latine introductio dicitur. — C. Quid significat introductio? — A. Introductio est, quæ sensum nostrum per varias divisiones rerum communium ad proprietatem cuiuslibet rei introducit.

C. Quæ sunt partes ejus? — A. [Quinque], videbile genus, species, differentia, accidentis, proprium. — C. Genus quid est? — A. Genus est proprie quod speciebus differt; et quid sit ea substantia, de qua quæris, communi vocabulo ostendit, ut *animal*. Per singulas enim species, id est, hominis, equi, bovis, leonis et cæterorum, genus est animal, et æqualiter de omnibus prædicatur.

C. Quid est species? — A. Species est, quod [Al., quæ] de pluribus et differentiis numero, non specie, in eo quod quid sit, prædicatur. Nam de Socrate, Platone et Cicerone æqualiter homo prædicatur. Una [enim] species hominum est secundum naturam; sed multi secundum numerum.

C. Quid est differentia? — A. Differentia est, quæ quale sit hoc vel illud animal, ostendit. Ut si quæratur qualis sit homo, dicimus: Animal rationale et mortale. In his enim duobus ab omnibus aliis animantibus secesserunt. In eo [enim] quod dicitur rationale, segregatur ab omnibus ratione non uteribus. Dum dicitur, mortale, in eo ab angelis differt. Angeli enim rationales et immortales sunt; anima-  
lia vero cætera mortalia sunt, sed non rationalia. Homo autem solus ex utrisque constat; hoc habens cum angelis commune, illud cum cæteris animantibus. O mirum animal! una parte cœlestis, et altera terrenum!

C. Quid est proprium? — A. Proprium est, quando unaquælibet species naturaliter aliquo certo aditamento designari potest, et ab omni aliarum specierum communione separari. Ut, solius hominis proprietas est, risibilis [Forte., risibilem; al., proprium est risus] esse. Et sciendum est quod singulare semper proprium circumverti posse necesse est; ut puta: Quidquid homo est risibile est. Et: Quidquid

A risibile est, homo est. Et haec circumversio necessaria dicitur. Nec ita rationale circumverti potest. Dicere vero possumus: Quidquid homo est, rationale est; nec tamen converso ordine: Quidquid rationale est, homo est; quia angeli rationales sunt, non tamen homines sunt.

C. Quid est accidentis? — A. Accidentis est quidquid accedit vel recedit præter substantiæ corruptionem, ut color candidus vel niger stare, vel jacere, esurire vel satiari, et cætera talia. Sunt quoque accidentia, quæ sic accidunt [Mss., accedunt], ut penitus non recedant, ut proceritas vel brevitas in corpore, et cætera, quæ in singulis quoque membris inseparabiliter aliquoties accidunt, ut curvitas nasi [Mss., naris], latitudo vel angustia oris rotunditas [Edit., jocunditas] oculorum, æqualitas superciliorum et alia multa.

C. Has quinque partes uno quolibet exemplo conjunge [Al., declara]. — A. Genus est, ut *animal*; est enim vocabulum generale, commune omnium animalium habentium. Species est, ut *homo*. Sua enim quadam specie separatur a cæteris animalibus. Et genus est totum, ut *puta*, *tota viventia*, animalia dicimus; species quidem pars est; ut, pars quædam animalium homo est. Differentia est, rationalis mortalitatis; his enim duobus, ut *superius* diximus, differt homo a cæteris animalibus. Proprium est [ridere]; quia ridere præter hominem nullius naturaliter animalis est [Al., nullum . . . animal potest]. Accidens est, ut color in corpore, doctrina in animo. Haec enim temporum varietate et accidentia, et mutantur.

**337** Quomodo ex his quinque partibus oratio plenæ [Mss., plena] sententiæ conjungi debet? — A. Ita: Homo est animal rationale, mortale, risibile, boni malique capax. Sic etiam in omni oratione substantiali tandem interponere debemus species et differentias, quandiu seclusis omnibus, quæ idem esse possunt, quod inquiris, et ad id perveniatur [Al., ad id, quod inquiris, perveniatur], ut proprietas ejus substantiæ certa teneatur, quam definire cōpisti. Hæc commentario [Mss., commentitio; al., commentatitio] sermone de isagogis Porphyrii dicta sufficiant. Nunc ordo postulat ad Aristotelis categorias nos transire.

#### CAPUT III.

##### DE CATEGORIIS.

C. Sequamur ordinem, et ejus nobis nominis primo pande etymologiam. — A. Categoriæ Graece, Latine predicamenta [dicuntur]. — C. Quid significas, dum dicas predicamenta? — A. Dum de qualibet re loquor, tum de ea prædico, sicut philosophi voluerunt intelligi. — C. Quot modis fit illa prædicatio, quam locutionem, ut mihi videtur, nominare possumus. — A. Recte tibi videtur. Duobus modis fit locutio nostra; aut de substantia, aut de accidentibus. — C. Unde dicitur substantia? — A. Substantia dicitur, quia subsistit, ut [Mss., et] est unaquæque natura in sua proprietate. — C. Quot sunt accidentia? — A. Corporalibus naturis novem. — C. Quæ? — A.

Quantitas, ad aliquid, qualitas, facere, pati, situs, ubi, quando, habere [Al., habitus]. His novem junctis ad substantiam, quam Graeci *usian* vocant, fiunt decem categoriae. Et inter haec decem verba, quidquid homo loquitur, inevitabiliter invenitur. Sed priusquam de his singulis disputare incipiamus, omonymorum legem, quae categoriarum sunt instrumenta, videamus.

C. Fiat! Et primum pande interpretationes nominum de illis tribus speciebus, quas in grammatica legebamus, id est, omonyma, synonyma, polyonyma. — A. Omonyma æquivoca, synonyma univoca, polyonyma plurivoca Latine dici possunt. — C. Eorum quoque differentiam audire exspecto. — A. Omonyma sunt, cum duæ res commune accipiunt nomen, rei vero interpretatione separantur; ut, homo pictus et homo verus. In his namque unum nomen est, ratio vero vel interpretatio diversa. Cum enim dixeris, verum hominem animal esse, quod moveatur et cibum capiat, et ratione vigeat; cum nihil horum de picto potes dicere, necessario videantur disparia. Synonyma vero sunt, quæ et nomine et sui interpretatione junguntur; ut animal est, quod cibum capit, spirat, movetur et mortale est: haec enim omnia de homine, equo, et bove similiter dici possunt. Polyonyma sunt, quando multa nomina unam rem significant, neque ulla differentia vel ratio redditur nominum, cur unam rem tot nomina significant, ut, *ensis*, *mucro*, *gladius*.

His quoque junguntur heteronyma [Al., homonyma] [multis] æque nominibus res singulas significantia, sed in his ratio diversitatem nominum discernit, velut, homo, mortalis, terrenus. Homo ab humanitate, mortalis a necessitate mortis, terrenus a terra, in [Al., ex] qua omnia gignuntur [dicitur].

C. Ad quam speciem propria nomina pertinent? — A. Regulariter scire debemus, omnia propria nomina communia esse posse, et omonyma vocari, ut Cicero non unus sed plures: sed signis et proprietate quadam discernendi sunt; quis sit ille et quis alius et quis tertius Cicero, ut alium crassum dicas, alterum tenuem; vel longus dicatur alius, alter brevis; candido colore quis, alter nigro.

C. Omonyma quot modis fiunt? — A. Duobus. Aut enim fortuito fiunt, aut hominum voluntate nascuntur. — C. Fortuito quomodo? — A. Cum quodam casu simile quis alteri accipiat [Al., alterius accipit] nomen. — C. Quomodo voluntate? — A. Cum similitudo nominis ex industria imponentis affigitur [Al., effingitur]. — C. Si haec partes plus possunt dividi? — A. Horum autem, quæ ex industria vel voluntate nascuntur, quatuor sunt genera: *Icon*, *cata analogiam*, *apenos*, *prosena* [*Εἰκὼν*, *χαρ’ ἀναλογίαν*, *ἀφ’ ιδίος*, *τύπος*].

**338** C. Latino ore haec aperi. — A. Similitudo, pro parte, ab uno, ad unum. — C. Exemplis confirma. — A. Similitudo, ut homo pictus et verus sola in similitudine copulantur. Pro parte, ut, quo pacto principium animalis cor dicimus, ita principium aque

A fontem dicimus; pro parte quadam utrius rei similitudo nominis videtur adjuncta. Ab uno, cum dicimus medicinale ferrum, medicinale præceptum, medicinalis scientia, medicinalis usus; ab uno in cuncta descendunt. Ad unum est, ut, illa potio salubris est, ille medicus salubris est, illa herba salubris est. Haec enim cuncta [Al., juncta, et conjuncta] unum, id est, salutem, videntur altingere.

C. Quia mihi perspicue nominum varietatem dixisti, superest ut questionum rationem exponas, quas non nisi nominibus et verbis constare posse aestimo. Ideo has duas partes principales esse natura nos docet. Nomen namque substantiam ostendit; verbum, quid quisque faciat, quidve patiatur.

A. Tribus ex fontibus omnes profundunt questiones; aut ab his quæ sunt; aut ab his quæ percipiuntur; aut de [Al., ab] his quæ dicuntur. Una est substantiarum; quia [Al., et sunt] sunt omnes res, quas natura peperit. Altera sensuum; quia sensu percipi non possunt, nisi haec res quæ sunt, et quarum imagines animo formamus et condimus. Tertia dictiōnum, id namque, quod quis concipit [Al., concepit] animo, lingua prosequenti demonstrat. Ergo quantum separatim haec tria nominentur, mistam tamen de tribus disputationem debemus accipere. Nam de præceptis [Al., perceptis] qui loquitur, et originem rerum trahit, et præsidia orationis implorat. Sunt igitur illa, quæ aut percipimus sensibus corporis; aut mente et cogitatione colligimus. Sensibus tenemus, quæ aut videndo, aut contrectando, aut audiendo, aut gustando, aut odorando percipimus. Mente cognoscimus, dum quodlibet corpus, ut puts hominis vel animalis multis constare ex partibus intelligimus; etiam vel crescere vel senescere; modo angi curis, modo seculo pectore conquiescere; sanitatem alias frui, alias dolores perpeti; peritum ex imperito, ex indocto doctum.

C. Forte haec sapientes propriis nominibus discernere voluerunt? — A. Etiam. Nam id quod corporali sensu discernitur, *usian*, id est, substantiam dici jusserunt. Illud autem, quod animi tractatu solum colligitur, aut [Ms., ac] sèpe mutatur *symbebicos*, id est, accidentis nominari [Ms., nominare] maluerunt. *Usian* quoque *ypocimenon*, id est, subjacens appellare voluerunt. Illa vero quæ accidunt, *enypocimenon*, id est, in subjacenti [accidentia] dixerunt. Necesse est vero accidentia in qualibet esse substantia. Ideo illa substantia subjacens dicitur; illa vero accidentia in subjacenti substantia: ut pote, disciplina in animo, color in corpore, aut de illis novem accidentibus quodlibet, quæ superius nominavimus.

C. Debemus tamen ipsa accidentia vel in ipsa *usia*, vel extra *usiam* dicere esse? — A. Alia in ipsa, alia extra. Intra *usiam* sunt qualitas, quantitas et situs. Haec enim sine ipsa esse non possunt. Mox enim, ut hominem vel equum dixeris, adverti necesse est bipedalem aut quadrupedalem; album aut nigrum, stantem aut jacentem. Extra *usian* vero sunt locus, tempus et habitus. Nam in loco vel tempore esse ali-

quem; vestiri vel armari, ab *usia* separata sunt. Alia sunt communia, id est, intra et extra *usian*, ut, *relatio*, facere et pati. Majus vero et minus, unum in se habent, aliud extra se. Item *facere* et extra et intra, ut cædere quisque dici non potest, nisi alterum cædat; similiter pati: cædi enim vel uri nullus potest, nisi ab altero patiatur [Mss., patietur].

C. Estne alia horum accidentium differentia? — A. Est. Ea enim quæ insunt cuique, aut in solo, et in omni; aut in solo et non in omni; aut in omni et non in solo; aut nec in solo, nec in omni esse necesse est. Et has quatuor species Græci vocant; *Enmocepani*, *enmonocepanti*, *expanti*, *enmono* [Mss., *Enmonocepanti* ... *enpani*, *ceunomo*] *ceute*, *enmono* *utipanti*.

C. Hæc exemplis planiora facias velim. — A. Ut si hominem quis definire volens dicat, risus esse capacem; hoc et in solo homine est, et in omni: solus namque homo ridet, et cunctis ridere naturale est. In solo et non in omni, ut si quis diffiniens hominem capacem disciplinæ dicat esse; hoc in solo quidem homine inveniri potest, non tamen in omni; neque enim omnes disciplinas 339 didicerunt aliquas. In omni et non in solo; ut si quis hominem diffiniens dicat, id esse hominem quod spirat, quod cibum capiat, hoc in omni quidem est homine, non tamen in solo; nam et pecudes cibum capiunt et feræ spirant. Nec in solo, nec in omni; ut si quis in hominis definitione id esse dicat hominem, quod album est; nec in solo nec in omni est, neque enim aut homo solus candidus invenitur et non bos aut equus; aut omnis homo albus est.

C. Quæ ex istis speciebus certiorem in *usia* faciunt definitionem? — A. Duæ. In solo et in omni; altera, quæ in solo, non in omni; ut, hominem esse risibilem, disciplineque capacem. Hæc duæ species ad investigandam *usian*, de qua inquiris, viam monstrant. Et duæ aliæ certum aliquid significare non possunt.

#### CAPUT IV.

##### DE QUANTITATE.

C. Decursis igitur breviter partibus, quibus *usia* possit intelligi, restat nunc sermo de singulis *usiae* accidentibus inquirere; et *quantitatem*, quam primam [Al., primo] posuisti, primum expone. — A. Nec sine causa illa prima posita est; nam cum ali quod corpus viderimus, id, quantum sit, æstimare licebit.

C. Quomodo quantitas æstimari solet? — A. In *mensura* longitudinis, latitudinis et altitudinis; quia hæc tria corpus quodlibet habere necesse est. Hisque singulis duæ species adjacent. Longitudini, ante et retro; latitudini, dextrum et sinistrum; altitudini, sursum et deorsum. His enim sex partibus omne corpus circumscribitur.

C. Quid si aliquis solam longitudinem metitur? — A. *Longitudo* sola sine latitudine mensurata *gramme* dicitur, id est, linealis mensura. — C. Quid si longitudini latitudinem metiendo quis adjecerit? — A. Cum

A emensa erit latitudo cum longitudine, *epifania* dicitur, id est, superficialis mensura. — C. Quid si his duobus altitudinem adjungit? — A. Cuncta hæc tria mensurae sociata solidum corpus perficiunt cum sex suis partibus præscriptis, hisque ascribitur secundum positionem [loci], longe vel juxta. Nam aliud, quod mihi a dextris vel sinistris, ante vel retro *juxta* est; aliud quod *longe*; verbi gratia: *Hic paries prope* est; et ille vel ille mons *longe*.

C. Potest ita de infra et supra intelligi? — A. Potest. [Sed] sciendum [est] aliud esse naturale super et subter: aliud vero, quod circa nos est. — C. Quod est naturale, et quod circa nos est? — A. Naturaliter enim *cœlum* [semper] supra est et terra infra, quod migratione nostra mutari [Edit., punctari; MSS., migratio... immutare] non potest. Nostrum autem super et subter migratione commutatur; ut si quis cum in inferioribus fuerit, ad superiora condescendat; aut e superioribus ad inferiora descendat.

C. Num omnia ad quantitatem pertinentia his sex partibus includuntur? — A. Non omnia has circumpositiones habent. Tempus vero et numerus et oratio, licet ad quantitatem pertineant, his tamen non subjacent claustris. Unum vero et [MSS., vel] decem et [MSS., vel] centum cum dicimus, ipsum numerum solum dicentes, non aliiquid corporaliter numerantes, non reperimus in illis dextrum aliiquid vel sinistrum. Similiter et in tempore aut [MSS., atque] sermone maxime cum hæc citissime labuntur. Nam tempus instabili motu semper decurrit, in tantum, ut diligenter considerantibus pene nihil præsens esse videatur. Ita et sermo, cum nondum dictus fuerit, non appetat. Manifestum est igitur hæc tria positionem diversarum partium non habere.

C. Si magis aut minus, quod Græci *malon*, *ceuton* [MSS., *ceccoton.*; al., μάλλον et ἔλαττον] dicunt, quantitas habere potest? — A. Non potest. [Nam] magis bipedale vel minus dici non potest; nec magis tres aut minus tres nominare licet. Similiter tempus et oratio magis aut minus non habent; sed omnia quantitatis paria aut imparia nuncupanda sunt. — C. Quid si magis longum aut minus dicamus? — A. Tunc ad aliiquid categoria erit. Nam magis simile et minus simile solemus dicere; simile vero cuilibet simili simile est.

#### 340 CAPUT. V.

##### DE AD ALIQUID.

C. Verum quia mentionem categoriæ ad aliiquid fecisti, illius proprietates pande. — A. Faciam, licet extraordinarie [Al., extra ordinem]. Nam post quantitatem qualitas ponebatur in ordine. Ad aliiquid ergo categoriam vocamus, qua [MSS., quæ] id, quod est, dicitur ex altero, et sine cuius societate esse non possit; et cuius vis omnis ex alterius conjunctione descendit; ut duplum, simpli dicitur duplum; et majus, minori dicitur majus; et simile, simili dicitur simile. — C. Et hoc claret, ad aliiquid non sua vi, sed alterius conjunctione consistere. Sed si alio

modo possit diffiniri profer. — A. Tunc ergo et vere **A** et proprie *ad aliquid* dicitur, cum sub uno ortu atque occasu et id quod jungitur [et id cui jungitur], invenitur; ut puta, servus et dominus, utrumque vel simul est, vel simul non est. Etenim cum dominum dixeris, necessario existet et servus; cum vero dominum tuleris, nec servus appetet. Similiter duplum et simplum alterutrum se vel interimunt vel ostendunt. Apparente enim duplo nascitur simplum; duplo pereunte nec simplum [*Edit.*, *semiplum*] poterit permanere: similiter si simplum non sit, nec duplum est. At si simplum fuerit, et duplum necessario apparebit.

C. Quo numero vel quibus casibus haec conjunctio-  
nes nominum solent esse? — A. Seipi singulari  
numero, ut simplum dupli, pater filii. Sed et alia  
hujusmodi genitivo casui; alia [*Al.*, *nunc*] dativo;  
pleraque [*Al.*, *nunc*] ablative copulari solent. Geni-  
tivo quidem, ut servus domini; duplum simpli. Da-  
tivo: Simile simili, par pari. Ablative vero: Sen-  
sibile sensu sensibile.

Si huic categoriae alterna conversio accidere pos-  
test? — A. Etiam. Nam utrumque rationabiliter dici  
potest; et servus domini, et dominus servi; et sim-  
plum dupli, et duplum simplici. Et sciendum est quod  
semper relativa vel simul nasci vel simul extingui  
oportet, ut subtracto servo dominus non est; re-  
moto domino nec servus appetet. Ita de patre et  
filio. Ac ideo secundum hanc categorię regulam mi-  
randa est Arii, vel magis miseranda, et ejus quoque  
sociorum stulta cœcitas; asserentes Filium secun-  
dum tempus Patri esse posteriorem; dum omnino  
constat secundum dialecticam simul consempiternum  
esse Filium cum Patre [*Mss.*, *Filiū Patri*]. Et si  
Deus Pater (quod nec illorum impietas audebat ne-  
gare) æternus est, utique et Filius æternus est secun-  
dum dialecticę rationis necessitatem.

#### CAPUT VI. DE QUALITATE.

C. Nunc qualitatis rationem expone; et primum  
dic, quid sit inter qualitatem et quale? — A. Quali-  
tatem namque dicimus, dulcedinem, austrietatem,  
alhedinem, nigredinem. Quale vero intelligitur, quo-  
ties album aliquid dicimus, dulce vel austero. — C.  
Videtur enim qualitatem magnam habere commu-  
nionem cum cæteris categoriis. — A. Incurrit namque  
in cæteras omnes, et ideo difficilior est; ut puta in  
usia invenitur, cum dicimus, homo grammaticus.  
*In quanto*: Alba et nigra episania [*Al.*, *mensura*].  
*In ad aliquid*: Prudens pater; optimus filius. *In fa-  
cere*: Dure saltat. *In pati*: Fert fortiter vulnera.  
*In loco*: Obscurus locus. *In tempore*: Calidus men-  
sis aut frigidus. *In jacere*: Pronus aut supinus jacet.  
*In habere*: Decenter armatus.

C. Quot habet haec categoria species? — A. Qua-  
tuor, quas Aristoteles genera vocat. Primum genus  
est habitus et affectio, secundum potentia naturalis,  
tertium passivae qualitates sive passiones, quar-  
tum formae ac figuræ. — C. Habitus vel affectio

quid est? — A. Habitus est, quod animus longe  
habet tempore; ut virtus et disciplina. Affectio est  
mutabilis mentis impulsio; ut repentina cupiditas  
vel iracundia. — C. Quid est inter virtutem et disci-  
plinam? — A. Hoc profecto, quod disciplina in ea  
parte animæ, quæ rationabilis dicitur, tantummodo  
versatur. Virtus vero omnes animæ partes ample-  
ctitur, omnemque [*Al.*, totamque] animam suo im-  
perio gubernat et regit; ut et iracundiam domet et  
cupiditates **341** amovent, quod disciplina hard  
facere potest. — C. Quot sunt partes animæ? — A.  
Tres, rationabilis, irascibilis, concupiscibilis. Sed  
hæc alias. Nunc cœptum iter pergamus [*Al.*, car-  
pani].

C. Potentia naturalis quid est? — A. Quoties  
**B** quis videtur vel posse vel non posse se aliquid facere  
per naturam, ut verbi gratia visus corporibus pse-  
rorn, dicamus eos in futuro vel cursores vel pugilla-  
tores [*Al.*, pugiles] fore; non quod adhuc hac arte  
teneantur, sed videntur per naturalem potentiam  
eam posse habere. Similiter de sanitate et infirmi-  
tate ex corporis qualitate sœpe solent medici pre-  
dicere.

C. Passivæ qualitates vel passiones quæ sunt?  
— A. Passivæ autem qualitates sunt aut albedo aut  
nigredo et eorum media, rubor et pallor. Hæc enim  
non nisi vel animæ vel corporis passione nascuntur.  
Ut enim nigrescat aliquid, corporis passio est; ut  
pallescat vel rubescat, animæ, quæ cum turpitudi-  
**C** nem verecundiam ferre nequierit, quasi ad defensio-  
nem sui, copiam sanguinis in exteriore partes cor-  
poris fundit; eoque fit, ut pudore nimio rubescamus.  
Pallor quoque simili animæ passione consistit, cum  
perculta [*Al.*, perculti] metu nimio ad cordis ulti-  
riora confudit, eam sanguis insequitur, [adeo], ut  
desertum sanguine, quod est in conspectu, corpus  
albescat. Hæc igitur qualitates, si diu perseverant  
[in corpore], passivæ qualitates dicendæ sunt; si  
vero ad breve tempus extiterint ita, ut cito disce-  
dant, passiones eas potius nominamus.

C. Nunc quartam edisse speciem; et primo  
quid sit inter formas et figuræ explana [*Al.*, dicitur].  
— A. Figuræ inanimalibus [*Al.*, animalibus, *mendos*] tribuuntur, ut puta, trigonus vel tetragonius. Formæ  
**D** autem animalibus, in quibus formosos aliquos vel  
deformes [*Al.*, *formosa aliqua vel deformia*] asser-  
imus. In eodem quoque qualitatis genere curvitas et  
rectitudo, asperitas et lenitudo, raritas et densitas  
inveniuntur.

C. Si qualitas contrarietatem recipit? — A. Que-  
dam recipit et quedam non recipit. Quis enim de-  
bit saluti [*Edit.*, *salvo*] contrarium esse languorem,  
justitiae justitiam, malo bonum? E contra vero fu-  
esco vel pallido; triangulo vel tetrangulo, vel tetra-  
gonio contrarium nihil est. — C. Si magis ac minus  
recipit? — A. Recipit omnino, sed non omnis. Nam  
magis album vel magis nigrum dicere possumus:  
sed magis trigonum, vel magis tetragonum [*Mss.*,  
vel minus trigonum] dici non potest.

C. Si etiam hæ quatuor prædictæ categoriæ pro-  
prium aliud per se singulæ habeant, velim expo-  
nas. — A. Habant. Nam *usia* proprium est, ut sit  
singularis atque una numero, et contraria in se sus-  
cipiat, ut puta, homo singularis *usia* est atque  
unius numeri et susceptibilis contrarietatis. Itaque  
modo sanitatem modo ægritudinem suspicere potest.  
*Quantitat* vero proprium est, ut ejus omnia paria  
vel imparia dicantur; ut, iste homo illi homini par  
vel impar est magnitudine. Ad *aliud* vero proprie-  
tatem habet, ut in se convertantur, sicuti est servus  
domini et dominus servi. *Qualitatis* vero singulare  
est, ut cuncta ejus secundum qualitatem similia aut  
dissimilia nominentur, ut dulce omni dulci, albo  
album, calido calidum aut simile aut dissimile nun-  
cupatur.

## CAPUT VII.

## DE FACERE ET PATI.

C. Superest ut de facere et pati, in quibus maxime  
verborum ratio constat, quia pariter esse necesse  
est, pariter respondeas. — A. Hæc duo ex qualitatis  
fonte videntur descendere. Id namque, quod cali-  
dum facit, calidum sit necesse est. Calidum vero  
*quale* [Edit., quod] esse cognoscimus. Similiter quod  
calidum fit, a passione qualitatis accipit calorem:  
et qui docet, cum docet doctor est, et discipulun  
facit: uterque [Ed., utrumque] autem sive doctor  
sive discipulus *qualis* est: et cætera his similia.

C. Num in his categoriis contraria inveniuntur?  
— A. Solent enim genere esse similia, contraria  
qualitate. Etenim calidum, quod frigido præstat ca-  
lorem sui [Al., quod frigido obstat caloris vi], sub  
eodem genere est. Similiter quod dulce est, dulce  
non facit, nisi id quod dulce non fuerit. Nam si id  
quod patitur, dulce fuerit per naturam sui, 342 al-  
terius dulcedinem, quam [Mss., quo] recipiat, non  
habet. Necesse est ergo dulce non esse id quod pa-  
titur, ut dulcedinem recipiat alienam; et contraria  
sunt in qualitate dulce et amarum.

C. Quid est, quod dixisti genere esse similia?  
— A. Ignis non potest a melle accipere dulcedinem;  
aqua vero potest; quia quamdam similitudinem ha-  
bent in genere. — C. An magis an minus admittunt?  
— A. Etiam. Possumus enim dicere, magis vel mi-  
nus docet magister; et magis vel minus doctus est  
discipulus.

## CAPUT VIII.

## DE JACERE.

C. Quid de jacere habemus intelligere? — A. Quid  
aliud, nisi situm et positionem corporis, si jaceat,  
stet, vel sedeat quislibet? Necesse est enim, omne  
corpus, quod sex [Edit., in] partibus, ut prædiximus,  
includitur, in quolibet esse loco et quolibet modo in  
loco esse, ut aut per longitudinem extendatur, aut per  
latitudinem diffundatur, ut per altitudinem erigatur.  
Et hæc omnia ad situm pertinent corporis, situs  
vero ipse localis [Forte, situm... localem] esse ne-  
cessè est.

## DIDASCALICA — DE DIALECTICA.

## CAPUT IX.

## DE UBI ET QUANDO.

C. Quid habes de *ubi* et *quando* dicere? — A. Quid  
aliud, nisi quod *ubi* in loco et *quando* in tempore si-  
gnificant? Nam omne corpus necesse est locum ali-  
quem, in quolibet tempore occupare; ut, Romæ in  
senatu fui, ante horam tertiam, post Martium men-  
sem. Hæc in loco et tempore esse debent; non lo-  
cus et tempus.

## CAPUT X.

## DE HABERE.

C. Restat, ut de *habere* incipias dicere, et quot-mo-  
dis habere dicamur aliud? — A. Octo habendi  
sunt species. Prima est, quoties animo aliud ha-  
bemus, ut justitiam, disciplinas, virtutes vel vitia.  
B Secunda, quoties in corpore habere aliquid dicimur,  
ut albedinem, nigredinem, varietatem vel cætera  
quæ per qualitatem corpori insunt [Edit., insidunt].  
Tertia de quantitate descendit, quoties quatuor vel  
quinque pedum habere dicimur [Al., quid habere  
dicitur] longitudinem. Quarta, cum non in toto cor-  
pore, sed in parte corporis aliud habere firmamur,  
ut digito annulum, in pede calceos vel cothurnos.  
Quinta species est, cum non in corpore, sed circa  
corpus habere aliud dicimur, ut vestis atque indu-  
menta omnia. Sexta, quoties ipsas corporis partes  
habere narramur, ut manus, pedes, caput, aut reli-  
qua, quæ sunt in compage membrorum. Septimus  
vero locus est [Al., septima in locum pertinet], quo-  
ties far vel vinum vas aliud habere dicitur. Octa-  
vus habendi gradus [Al., octava... species], est,  
qui possessionem nostram vel dominium videtur  
ostendere, cum ædes vel rus quis habere dicitur.

C. Nunquid non licet nobis dicere, mulierem ha-  
bere maritum; vel vir uxorem habet, pater filium,  
et filius genitorem? — A. Sane ita dici [Al., dicere]  
doctores respuunt, atque impropte proferri [Edit.,  
conferre] confirmant. Propterea, quod asserunt non  
haberi posse, quod habet habentem; sed rectius  
dici autem, esse mulieri virum, vel uxorem viro  
esse, patrem filio esse, famulis dominum esse; si-  
quidem verbi hujus vim in hoc esse contendunt, ut  
significare non possit, et habere aliquem et ha-  
beri.

C. Ex his omnibus decem prædicamentis unam  
mihi conjunge orationem. — A. Plena [Al., perfe-  
cta] enim oratio de his ita conjungi potest: Augusti-  
nus magnus orator, filius illius, stans in templo,  
hodie insolatur [Mss., insulatus], disputando fati-  
gatur. Augustinus *usia* est; magnus, *quantitas*; orator,  
*qualitas*; filius illius, *ad aliud*, stans, *situs*;  
in templo, *locus*; hodie, *tempus*; insolatus, *habitus*;  
disputando, *agere*; fatigatur, *patti*.

343 C. Et est prima *usia* his novem accidentibus  
subjacent? — A. Nam necesse est magnitudinem vel  
qualitatem in quolibet corpore inveniri, et patrem  
et filium inter duas *usias* versari; similiter et in  
loco et in tempore esse cujuslibet corporis est; ve-  
stiri vero et stare; et aliiquid agere, vel pati quis

non agnoscit in quolibet corpore esse consideranda? Et haec accidentia non nisi in qualibet subjecta substantia inveniuntur.

## CAPUT XI.

## DE CONTRARIIS VEL OPPPOSITIS.

C. Dum s̄epius in nostra disputatione de contrariis introduxisti [Al., mentionem fecisti], contrariorum vel oppositorum velim rationem exponas. — A. Contrariorum vero genera quatuor sunt, quae Aristoteles *anticimena* [ἀντικίμενα], id est, opposita vocat. Primum genus est, quod diversum vocatur, ut *sapientia*, *stultitia*: quod genus in tres dividitur species. Nam sunt quædam ex eis [Mss., sunt quædam ejus], que medium habent, ut *candidum* et *nigrum* medium habent colorem *pallidum* et *fuscum*. Sunt quædam que sine medio sunt, ut *salus*, *ægritudo*: horum nihil medium est, quia necesse est unum ex duobus inesse corpori. Et sunt quædam, que medium habent, sed sine nomine est medietas eorum, nisi huic, oppositorum negatione, formetur nomen; ut *justum* et *injustum* habent quiddam medium, ut est *sputa screare*, *aures purgare*, que vocabulum non habent, nisi dicamus nec *justum* nec *injustum*.

Secundum genus contrarietatis est relativorum, quæ ita sibi opponuntur, ut ad se conferantur, sicut *duplum* et *simpulum*, *magis* et *minus*. Et hoc solum genus oppositorum conferatur.

Tertium genus est, quæ per habitum et privationem fiunt; in his namque observari oportet, ut sint utraque in eodem negotio, in eodem loco, in opportuno tempore. In eodem negotio sunt *cæcitas* et *visus*; in *videndo enim* et *non videndo* consistunt. Hæc in eodem loco sunt; utriusque namque, cæcitat et visioni, in oculis locus [est]. In tempore congruo, ut *calvum* non dicere, nisi si eo tempore, quo capillos habere debuerat, non habeat: capillos vero habere, vel non habere sibi oppositum est.

Quartum vero genus contrarietatis ex affirmatione et negatione, ut Homerus disputat, Homerus non disputat; Macharius currit, Macharius non currit: quod genus apud dialecticos omnes quæstiones pene generare solet.

C. Si aliquando mala malis opponuntur? — A. Etiam secundum philosophos, qui virtutes semper medias esse dixerunt, et ex utraque parte habere virtutia. Et hoc reor Apostolum significasse, dum dicit: *Via regia nobis gradendum, neque ad dexteram, neque ad sinistram declinandum: ut plus justum, et minus justum.* — C. Quomodo plus justum? — A. Plus justum [Mss., *justo*] est *severitas*; minus justo *adulatio*. Inter quæ duo mala medianam *justitiam locaverunt*. Similiter inter *versutiam*, *hebetudinemque*, *prudentiam posuerunt*; inter *libidinem insensibilitatemque temperantia constituta est*; inter *timiditatem et audaciam fortitudo regnat*.

C. Quot modis prius dicimus? — A. Quinque modis aliud [Edit., *alius*] altero prius dicitur. Primus est, cum aliquem dicimus *tempore priorem*, id est, *seniorem*. Secundus modus est *numero*, dum dicimus,

A unum esse prius quam duo, quia duo ex uno nascentur, non unum ex duobus; et uno pereunte duo esse non possunt; duobus autem pereuntibus, unum tamen permanet. Tertius modus est *ordinis*, ut in disciplinis prius est singularium [Mss., singularum] discere formas, et nomina litterarum; debinc syllabarum conjunctiones cognoscere; tunc verborum sumere notitiam; postremus nobis est orationis [Edit., rationis] usus assumendus, propter quem cuncta quasi præcurrentia membra prius discimus. Quartus modus est, dum feliores et meliores, priores vulgus assolet dicere. Quintum genus est, quando illud prius est, quod ex se [Mss., esse] alterum facit, ut exempli gratia, si homo est, recte eum dicimus animal rationale, mortale, risus capax. Sed hoc genus prioris, in se converti potest. — C. Quomodo? — A. Nam quidquid homo est, **344** animal est mortale, rationale, risus capax; item, quidquid animal est mortale, rationale, risus capax, hominem esse necesse est. Sed tamen hominem necesse est prius esse; et sic tandem ista definitio vel conversio vera esse poterit.

C. Modos quoque, quibus aliquid simul esse dicimus, voluisse audire. — A. Tribus modis aliquid simul esse dicimus, aut tempore, aut natura, aut genere. — C. Da exempla — A. Tempore, ut duos homines uno tempore simul esse dicimus, verbi gratia Albinus et Homerus. Natura, ut *simpulum* et *duplum*. Genere, ut animalia, quæ specie discernuntur; aliud pedestre, aliud volatile, aliud aquatile, quibus omnibus æqualiter animal genus est. — C. Quot modis sit differentia? — A. Materia, aut opere, aut in utroque. — C. Pone exemplum. — A. Materia, si sint annuli similes duo, unus aureus, alter argenteus. Opere, si ex auro dissimiles annuli fabricantur. Utroque, ut si annulus sit aureus et stilus argenteus.

## CAPUT XII.

## DE ARGUMENTIS.

C. Argumentorum rationem diversitatemque voluisse, ut enotares [Mss., enucleares] mihi. Et primum, ut dicas, quid sit argumentum, flagito. — A. Argumentum est rei dubiæ affirmatio. Et constat ex annuntiatione [Forte, enuntiatione]. — C. Annuntiatio quid est? — A. Oratio verum aut falsum significans, in nominativo casu cum [Hoc est, addito] est et non est; ut: Homo est, homo non est.

C. Quid in aliis casibus? — A. Nihil verum significat addito est [vel] non est, nisi addantur aliæ partes, ut, hominis est, ut mortalis sit et rationalis. Item, homini est risus proprium [Edit., proprietas] accidens. Ita et [in] cæteris casibus. — C. Scio cum dico: Homo est, vel, homo non est, verum esse vel falsum. Sed cum dico: Homo vel non homo; homo enim nomen est; sed quid sit non homo velim ut dicas. — A. Homo nomen est, ut dicis; non homo infinitum nomen est; hominem enim negas, nec tam sit ostendis.

C. Argumentorum rationes [Al., enumerations] prosequere, et quomodo proponantur ediscere. —

**A.** Aliæ igitur sunt propositiones argumentorum universales; aliæ particulares, aliæ singulares, aliæ indistinctæ. — **C.** Harum singularum exempla profer. — **A.** Universales sunt, ut, *Omnis homo justus est*, vel : *Omnis homo injustus est*. Particulares, ut, *Quidam homo justus est*, vel : *Quidam homo injustus est*. Singulares, ut, *Homerus justus est*, vel : *Homerus injustus*. Indistinctæ, ut, *Homo justus est*, vel : *Homo injustus est*.

**C.** Quomodo hæ appellantur propositiones argumentoru? — **A.** Hæ enim sunt simplices, et appellantur categoricæ, id est, prædicativæ. — **C.** Unde dicuntur prædicativæ? — **A.** Quia homo substantia est, justitia accidentis; et prædicatur de homine. — **C.** Quid est inter hominem et justum; nonne sunt duo nomina, [et duo termini]? — **A.** Sunt enim duo nomina et duo termini; et terminus major de termino minori prædicatur. — **C.** Quomodo? — **A.** Justitia enim de homine prædicatur, et homo est minor terminus. Non enim de solo homine, sed de Deo et angelis justitia prædicatur; et ideo major terminus justitia est quam homo, quia latius patet [*Ms.*, vedit]; et homo subjectus est justitiae; et minor terminus subjectus dicitur; major, quia [*Ms.*, qui] latius vedit, prædicatus terminus dicitur. — **C.** Mirum mihi est, quomodo accidentis major sit quam substantia. — **A.** Quid enim, candela vel lux, que de candela emicat, major vel melior? **C.** Utique lux. — **A.** Nonne lux accidentis est candelæ, et candela substantia est? — **C.** Est, et agnoscere in eo accidentis posse esse substantia melius et majus. Sed prosequere cetera.

**A.** Sunt enim aliæ propositiones argumentorum hypotheticæ, id est, conditionales. — **C.** Quomodo conditionales? — **A.** Quibus conditio aliqua supponitur; et sunt duplices, hoc modo, ut *Omnis homo, si bonus est, justus est*; ita tandem *justus est homo, si bonitatem habet*. Item : *Cælum, si rotundum est, volubile est*; ita tandem [*Cælum*] *volubile est, si rotundum est*.

**345 C.** An necesse est, ut priora repetam, unum terminum majorem esse, alterum minorem? — **A.** Non, quia sæpe accidit æquales esse terminos, ut, *homo risibilis est*. Nam alia natura risibilis non est, nisi homo; nec latius risibilis vedit [extensis], nisi ad hominem solum.

**C.** Quomodo discerni possunt, quæ sint æquales vel inæquales? — **A.** Quod æquales æqualiter circumverti possunt, hoc modo : *Quidquid homo est, risibile est*; et *Quidquid risibile est, homo est*. Nec sic inæquales circumverti possunt, ut, *Quidquid homo sit, justum sit*; vel *Quidquid justum sit, homo sit*.

**C.** Quomodo quælibet res his argumentis confirmari potest aut destrui? — **A.** Hoc modo : Si omni homini recte loqui bonum est, tum grammatica bona est. Nulli dubium est, quin recte loqui bonum est; utique grammatica bona est; quia rectiloquium sine grammatica esse non potest. Item : Si rusticitas

**A** mala est, utique grammaticam non legere malum est, quia omnis homo absque grammatica rusticus est. Item : Si omnis sapientia bona est, utique philosophia bona est, quia philosophia summa sapientia est. Et hi sunt syllogismi conditionales.

**C.** Et qui sunt prædicativi? — **A.** Qui simpliciter vadunt [*Al.*, constant], hoc modo, ut . *Omne justum honestum*; *omne honestum bonum*: *omne igitur justum bonum*. Hæc [enim] universalia confirmativa dicuntur; quia universaliter concluditur, omne justum bonum esse. Item : *Omne justum honestum*; *nullum honestum turpe*; *nullum igitur justum turpe*. Hic enim ex universalis affirmatione transit ad universalem negationem, et confirmat nullum justum esse turpe. Item : *Quoddam justum honestum*; *omne honestum utile*; *quoddam igitur justum utile*. Hic particulariter affirmat quoddam justum utile esse. Item : *Quoddam justum honestum*; *nullum honestum turpe*; *quoddam igitur justum non est turpe*. Hic quoque particulariter per negationem affirmat, quoddam justum non esse turpe. Horum enim syllogismorum multæ sunt species. Sed hæc [*Ms.*, hæ] ad præsens sufficiant ad cognoscendum universales et particulares conclusiones in affirmando et negando.

**C.** Qualiter syllogismus confici debet? — **A.** Ex tribus scrupissime membris; ita ut ex duabus primis propositionibus tertia conficiatur conclusio. Ut si queratur, an castitas utilis sit, dicamus : *Omnis virtus utilis est*; *castitas autem virtus est*: *castitas igitur utilis est*. Ex utilitate igitur et virtute quoddam tertium colligitur et necessario concluditur, ut castitas utilis sit.

#### CAPUT XIII.

##### DE MODIS DIFFINITIONUM.

**C.** Modo enim velim ut diffinitionum modos et divisiones enuclees mihi. Et primum dicito, quid sit diffinition? — **A.** Diffinition est oratio brevis et lucida ejus rei de qua queritur, naturam ab aliis rebus divisam propria significatione concludens. — **C.** Quomodo hæc incipere debet [vel] finiri [*Edit.*, diffiniri]. — **A.** Primum enim banc per immensum tendi oportet, incipientem a genere, dehinc paulatim currendo per partes devenire debet ad id, in quo solum est id, quod diffinitum est : ut hi qui signa formant, primo immensum sibi deligunt lapidem, dehinc paulatim minuendo et abscondendo superflua ad formandos vultus et membra perveniunt. Sic diffinition a genere incipiens, depulsa paulatim generalitate verborum ad proprium demonstrandæ rei cubile tendit accedere.

**C.** Da exemplum. — **A.** *Homo est substantia animata, rationalis, mortal, risus capax*. A latitudine substantie primo hæc incipit diffinition; quia quidquid naturarum est, substantia dici potest. Deinde dicit hominem substantiam *animatam*; in eo, quod dicit *animatam*, secerit eam ab his quæ animam, id est vitam, non habent. In eo, quod dicit, *rationalis*, segregat eam ab omnibus rationem non ha-

bentibus. In eo, quod dicit, *mortalis*, dividit [Al., separat] eum ab angelis, qui non moriuntur. Et sic pervenit ad proprietatem hominis, id est, *risus capax*, quod solius est hominis.

### 346 CAPUT XIV.

#### DE SPECIEBUS DIFFINITIONUM.

C. Quot species sunt diffinitionum? — A. Quindecim. Sed aliae ex his ad dialecticos pertinent, aliae ad rhetores. — C. Illas maxime velim audire, quae magis ad dialecticos pertinent. — A. Est enim principialis diffinitio, quae substantiam cuiuslibet naturae proprie<sup>t</sup> [Mss., proprie] demonstrat, qua maxime philosophi utuntur, ut: Homo est animal rationale, mortale, sensus disciplinæque capax; hæc enim diffinitio per species et differentias descendens venit ad proprium, et designat plenissime quid sit homo.

Item est species diffinitionis, quæ a notitia dicitur, et rem aliquam per actum significat, non per substantiam, ut: Homo est quid [Ms., quod] rationale conceptione et exercitatione naturali præest animalibus cunctis; hic enim actum hominis significat, non substantiam. Item in Psalmis: *Beatus vir, qui in lege Domini meditabitur die ac nocte*: hic enim per actum significatur quid agat beatus vir.

Item est species diffinitionis, quæ qualitativa dicitur, quæ quamlibet personam per qualitatem designat, ut, si queratur, qualis sit homo, respondeatur: Homo est, qui ingenio valet, artibus pollet, inter bonum malumque discernit. Item in psalmis propheta ostendit, qualis sit Christus, dicendo: *Speciosus forma præ filiis hominum, diffusa est gratia in labiis tuis.*

Item diffinitio est per differentiam; ut si queratur quid inter regem et tyrannum sit, adiecta differentia, quid uterque sit, diffinitur hoc modo: Rex est pius et modestus; tyrannus vero impius et immitis. Et in psalmo: *Mutuatur peccator et non solvit: justus autem miseretur et tribuit.*

Item fit diffinitio quædam per privationem [Al., privationem], ut si queratur quid sit substantia, dicatur quod neque qualitas est, neque quantitas, neque aliquod accidens; hoc enim genere diffinitionis et Deus utcunque intelligi potest; dum enim, quid sit Deus, nullo modo comprehendere valeamus, id est, naturam ejus, ut est, nullus effari potest; sed ex eo, quod non est, secundum philosophos, definiendus est; ut si dicamus: Deus neque corpus est, neque animal, neque ullum elementum, neque sensus noster, neque intellectus, neque aliquid, quod ex his capi possit.

Item quædam diffinitio est per indigentiam pleni in eodem genere; ut, si queratur, quid sit quadrans; respondeatur, cui dodrans deest, ut sit assis.

Item quædam diffinitio est per laudem, ut: *Dux* [Mss., Lex est animi consilium] est animus, [consilium] et disciplina civitatis. Et in psalmo: *Lex Domini irreprehensibilis, convertens animas, testimonium Domini fideles, sapientiam præstans parvulus.*

A Item quædam diffinitio est quasi juxta rationem, id est, cum majoris rei nomine [Al., in homine] minor res ostenditur; ut, Homo est minor mundus; et: Edictum est lex annua [Al., animi].

C. Cui enim parti dialecticæ artis hæ diffinitiones maxime jungendæ sunt? — A. Topicis.

### CAPUT XV.

#### DE TOPICIS.

C. Quæ sunt Topica? — A. Argumentorum sedes, fontes sensuum, origines dictiorum. — C. In quo species dividuntur topicorum argumentationes? — A. Topicorum, id est, localium argumentatio triplex est, quia sunt argumenta, aut in ipso negotio, de quo agitur; aut ex rebus aliis tracta nascuntur; aut certe extrinsecus assumuntur.

C. Primam expone speciem. — A. Tribus modis ab ipso negotio, secundum dialecticos, sumuntur argumenta. A toto, a partibus, a fine. — C. Exemplis confirma. — A. Totum duobus modis dici solet: aut a genere, ut, si queratur, an justitia utilis sit, fiat hujusmodi syllogismus: *Omnis virtus utilis est; justitia autem virtus [est]: ergo justitia utilis est.* Hic autem a toto, id est, a genere, virtute scilicet, quæ justitiae genus est, comprobatur, justitiam utillem esse. 347 Item totum est, quod ex multis partibus integrum constat; ut, mundi integritas ex multis conficitur partibus, cujus quædam pars homines sunt. At si queratur, si humanae res divina providentia regantur, fiat hujusmodi syllogismus: *Si mundus Dei providentia regitur, homines autem pars mundi sunt; humanae igitur res divina providentia reguntur.* Hic necesse est intelligi, id parti congruere, quod toti convenit [Edit., toto evenit]. Item a partibus argumenta ducuntur [Edit., dicuntur]: ut si quæstio sit, an sit utilis medicina, dicatur. Si depelli morbos salutemque servari, mederique vulneribus utile est, quæ sunt partes medicinæ, utilis est ergo medicina. Item a fine, quem quidam notam vocant, fit argumentum; ut, si queratur, an justitia bona sit, fiat syllogismus talis: *Si beatum esse bonum est, et justitia bona est; hic est enim justitiae finis, ut qui secundum justitiam vivat [Mss., quis... vivat, et], ad beatitudinem perveniat; et necesse est eam rem bonam esse, cujus finis bonus est.*

D C. Illa argumenta, quæ aliunde attrahuntur, quo species habent? — A. Tredecim. Alia a conjugatis sunt, alia a genere, alia a specie, alia a similitudine, alia a differentia, alia a contrariis, alia a consequente, alia ab antecedentibus, alia ab adjunctis, alia a repugnantibus, alia a causis, alia ab effectis, alia a comparatione. — C. Hoc quoque exemplis lucidius aperi. — A. Faciam.

#### A conjugatis.

Primum a conjugatis ducitur argumentum hoc modo, cum ex conjugatione, id est, derivatione nominis vel verbi fiat conjectura; ut, si scripsit, scriptor est; si compascuus ager est, jus est compascere; compascuus enim et compascere inter se juncta sunt.

Et Terentius : *Homo sum, humani a me nihil alienum aestimo.* Et Cicero : *Verrem dixit eversisse [Ms., evertisse] provinciam.*

*A genere.*

A genere argumentum est, quando a re generali ad speciem aliquam descenditur; ut, *Mulierum genus avarum est; nam Eurypila auro vitam viri vendidit [Mss., Erypila, al., Eriphyle... prodidit].* Et item : *Si libidinosus, et adulter; si avarus, et fur.*

*A specie.*

A specie; ut cum probare crudelem volumus, quædam ab eo crudeliter facta doceamus. Item illud Virgilii (*Aen.*, vii, 365) :

*At non sic Phrygius penetrat Iacedem ina pastor  
Ledeamque Helenam Trojanas vexit ad urbes?*

Nam *Phrygius pastor* species est; et si istud ille unus fecit, et illi [*Ms.*, alii] hoc Trojani generaliter facere possunt. Species enim semper subest generi, ut homo subest animali. Ac ideo genus totum dicitur, species pars; ut cupiditas genus est omnium libidinum. Pars etiam quædam cupiditatis, id est species, avaritia.

*A similitudine.*

A similitudine argumentum est, quando rebus aliis similia proferuntur, ut ex eo, quod certum circa rem similem acciderit, id quoque, quod dubium est, et in questionem venit, comprobetur. Inspicitur sœpe similitudo in contrariis; ut : Si his qui imprudentes læserunt, ignosci convenit, his qui necessario profuerunt, gratiam habere non oportet. Hic contraria sunt, prodesse et nocere. Similitudo autem aumorum est, quod neque ille voluit obesse, neque hic prodesse. Fit et per paria, cum non ex contrariis rebus, sed ex simillimis per naturam probabile colligimus argumentum. Num ut locus in mari sine portu navibus intutus est; sic animus, qui sine fide est, amicis non potest esse portuosus. Fit et in his rebus, quæ sub eamdem rationem cadunt, dum ex unius rei ratione alterius quoque ratio comprobatur; ut puta, qui filium vendidit, iniquam rem fecerit; et qui emit, inique fecerit [*Mss.*, fecit].

*A differentia.*

A differentia fit [*Mss.*, est] argumentum, quando per differentiam aliæ res separantur, ut Virgilius (*Aen.*, x, 581) :

*Non Diomedis equos, non currum cernis Achillis.*

**348** Fit quoque differentia, cum in eodem genere species ab alia specie secerintur, ut Marcus Tullius : *Qualis in urbana provincia fuerit Verres, talem in provinciali esse.*

*A contrariis.*

A contrariis sumitur argumentum, quando res sibi metis discrepantes opponuntur; ut Virgilius (*Aen.*, ix, 94) :

*O genitrix, quo fata vocas, aut quid petis istis?  
Mortaliae manus factæ immortale carinæ  
Fas habeant; certusque incerta pericula luctret  
Aeneas?*

Jovis [Jupiter] ad Berecynthiam fertur dixisse. Et : Si desertor appellandus est, qui hostem vitat ac fugit.

PATROL. CI.

**A** is certe, qui non vitavit, nec fugit, sed ultra appetit [*Ms.*, appetit], desertor nullo modo dici potest. Et : Si honestum est aliquid, turpe non est. Et : Si jure factum est aliquid, non potest pro injuria vindicari.

*A consequente.*

A consequente, quando positam rem aliquid inevitabiliter consequitur, ut Virgilius (*Aen.*, i, 531) :

*Non nos aut ferro Libycos populare Penates  
Venimus; aut raptas ad littora vertere prædas,  
Non ea vis animo. Et reliqua.*

Et : Si mulier peperit, cum viro concubuit; peperit : igitur, consequens fit, necesse est, quia concubuit cum viro.

*Ab antecedentibus.*

**B** Ab antecedentibus argumentum est, quando ex his, quæ prius gesta sunt, consequentia approbantur. Ut Marcus Tullius pro Milone : *Cumque ante diem tertium prædixerit Clodius, Milonem peritrum; cum ille non dubitaverit aperire, quid esset facturus, vos potestis dubitare quid fecerit? Præcessit enim prædictio [Forte, prædictio], et secutum est factum.* Et reliqua.

*Ab adjunctis.*

Ab adjunctis argumenti fides sumitur, cum probabiliter ostenditur, quid sit ex re quaque venturum, ut Virgilius (*Aen.*, viii, 147) :

*.... Nos si pellant, nihil absore credunt  
Quin omnem Hesperiam penitus sua sub juga militant*

**C** Onnis enim res habet aliquid præcedens, aliquid simul, aliquid subsequens : et ideo ex his omnibus argumenta colligimus. In adjunctis etiam, ut Cicero voluit, maxime queritur, quid ante rem, quid cum re, quid post rem evenerit; qui locus maxime ad conjecturam pertinet. *Ante rem*, apparatus, colloquia. *In re*, strepitus pedum. *Post rem*, pallor, rubor, et si qua sunt similia.

Locus ab antecedentibus, et consequentibus et repugnantibus in eo differt a conjunctis sive adjunctis [quod] conjuncta non semper eveniunt; consequentia vero semper. Ea igitur sunt consequentia, quæ rem necessario consequuntur, ut : Si dies est, lucet. Item, antecedentia et repugnantia; quidquid enim consequitur quamque rem, id cohæret cum re necessario [et quidquid antecedit, id trahit consequentem necessario]; et quidquid repugnat, ejusmodi est, ut cohædere nunquam possit.

*A repugnantibus.*

A repugnantibus argumentum est, quando illud quod objicitur reo, aliqua contrarietate destruitur. Ut Cicero dicit : Is igitur non modo a te periculo liberatus, sed etiam amplissimo honore ditatus arguitur, domi sue te interficere voluisse. Item : Si, qua die cædes ista Roma facta est, ego Athenis fui, in cæde interesse non potui.

*A causa.*

A causa argumentum ducitur, quando ex consuetudine communi res, quæ tractatur, fieri potuisse convincitor. Ut Terentius (*And.* III, iv, 3) :

Ego non nihil (*Mss. v. nihil omittunt*) veritus sum, dudum  
(abs te cavere, ne faceres,  
Quod vulgus servorum sollicitat (*At.*, solet) dolis ut me  
(deluderes).

**349** Fit quoque hoc modo a causa argumentum, dum causam adulterii libidinem esse dicimus; sive parricidii, avaritiam. Sed et tum latius disputandum est de vi cause, id est, avaritiae sive libidinis; quatenus si causa turpis videatur, res quoque inhonesta videatur; ut : Qui lucri faciendi causa venit in templo, sacrilegus est. Non enim res maleficium facit, sed causa faciendi; nec exitu, sed conatu malefacta existimantur.

#### *Ab effectis.*

Ab effectis argumentum est, cum ex his quæ facta sunt, aliquid approbatur, ut Virgilius (*AEn.*, iv, 13) :

Degeneres animos timor arguit. . . .

Nam timor est causa, ut degener sit animus; quod timoris est effectivum.

Efficientia sunt, quæ vel vi sua aliquid conscient, ut ignis incendium; vel sine quibus effici non potest aliqua res, ut naves sine trahibus. Efficientia alia sunt necessaria, alia non. Huic loco efficientium causarum junctus locus est, effectus a causis, id est, eventus; ut enim causa, quid sit effectum, indicat; sic effectus, quæ fuerit causa, demonstrat, ut sumus ignem. Et ideo Cicero loco causarum efficientiam [*Edit.*, loco efficientiæ] posuit, eventum vero loco effectorum; ut si quem [*Edit.*, siquidem] insolentem probaveris, dicas, etiam arroganter futurum. Ita per [*Ms. om. per*] eventum, id est, effectum insolentie arrogantiæ probas; arrogantiæ vero causam, id est, efficientiam, insolentiam [*At.*, arrogantiæ causa est insolentia.

#### *A comparatione.*

A comparatione argumentum dicitur, quando per collationem personarum sive causarum sententiae ratio confirmatur. Et semper augendæ rei studet comparatio; sive tribus modis, a maiore, a minore, a pari.

A maiore hoc modo; ut Virgilius (*AEn.*, vii, 335) :

Tu potes unanimes armare in prælia fratres.

Ergo qui in fratribus hoc potes, quanto magis in aliis. Item a maiore : Si adulterum occidere licet, licet et loris cædere.

A minorum comparatione, ut : Si furem nocturnum occidere licet, quid [*At.*, cur non] latronem? Item a minore : Si exiguae pecunie causa peccare non dubitabit, quid cum illi majus esset propositum lucrum? Certe non abstinuit [*At.*, non abstineret].

A parium comparatione, ut Virgilius (*AEn.* x, 81, 82) :

Tu potes Eneam manibus subducere Grajum :  
Nos aliquid Rutios contra juvisse nefandum est?

Item a pari : Si quis neget cædem a se esse factam, eo quod non ipse percusserit; dicitur ei, nihilum interesse ut auctor quis fuisset cædis, an ipse percusserit, quia ex utroque in eundem exitum scelus venerit.

C. Si evangelica similitudines pertinent, an non, *et istas species*, ubi dixisti a similitudine vel a con-

A trario argumenta esse ducenda? — A. Pertinent utique. — C. Quonam modo? — A. Quædam enim similitudines a pari dicuntur, quædam a contrario. Quæ vero a paribus, his verbis jungi possunt : *Sicut istud, sic et illud*. Sicut de servo, qui dimissus a Domino suum suffocavit conservum, dici potest : *Sicut Dominus huic servo nequam non dimitti conservo suo fecit; sic pater vester cœlestis faciet vobis. Et reliqua.*

Item de generatore qui, cum duobus debitoribus donavit quod debebant, ab eo plus dilectus est, cui plus donavit. Et de homine qui habebat duos filios, majorem in agro sibi propinquantem; minorem in longinquæ luxuriantem, et innumerabilia hujusmodi. De his enim, quantum similia sunt, ducitur intellectus ejus rei, cui adhibentur, insinuandæ.

Quæ sunt a contrario, his verbis jungi possunt : *Si istud, quanto magis et illud*. Ut ille, qui non propter amicitiam, sed ut tedio careret, jam dormiens excitatur, ut tres panes accommodet amico suo. Si enim ille molestia compulsus dedit, quanto magis Deus, qui suos servos diligens hortatur, ut petamus [*At.*, petant], dabit bona potentibus se? Item iniquitatis villicus, qui falsatis chirographis providebat sibi et laudatus est a domino suo; hoc argumento concludendus [*At.*, concludendum] : **350** est : si laudari potuit ille a domino suo, qui fraudem faciebat, quanto amplius placeant Domino Deo, qui præcepta [et] instituta fideliter agunt [*At.*, servant]. Sicut etiam de judice iniquitatis, qui interpellabatur a vidua, comparationem duxit ad judicem Deum, cui nulla ex parte judex iniquus conferendus est.

## CAPUT XVI.

### DE PERIHERMENIIS.

C. Perihermeniarum subtilitates a te audire desidero, de quibus dictum est, Aristotelem in mente tinuisse calamum, dum eas scriptitabat [*At.*, scriptaret]. — A. Subtilitas earum nimia est; sed angustia nostræ disputationis pauca de eis tangere habet; et tantummodo, quo illæ spectent, aperiendum videatur [*At.*, est].

C. Illius nominis interpretationem primum expone. — A. Perihermeniæ dicuntur, quasi de interpretatione. — C. Quomodo de interpretatione? — A. Omnis quippe res, quæ una est, et uno significari sermone poterit, aut per nomen, aut per verbum demonstratur. C. Quomodo demonstratur vel hoc, vel illud? A. Per nomen substantia omnium rerum significatur, ut, *homo*. Per verbum actio vel passio cuiuslibet rei ostenditur, ut, *homo currit*; *homo errat*. Quæ duæ partes orationis interpretantur totum, quidquid mens conceperit ad eloquendum [*Mss.*, loquendum.]

C. Quid est, conceperit? — A. Conceperit, id est, intellexerit; omnis enim elocutio mentis [est] interpres; quia quod mens intelligit, eloquentio interpretatur per catastasis vel apofasis.

C. Hæc duo nomina, quæ induxisti, Latino ore profer. — A. Catastasis [*κατάστασις*] est affirmatio; ut,

*homo currit.* Apofasis [ἀπόφασις] est negatio; ut, *homo non currit.*

C. Quot species sunt Peribermeniarum? — A. In septem species praedictus philosophus [Ait., ipse Aristoteles] eas dividit, id est, nomen, verbum, orationem, enuntiationem, affirmationem, negationem, contradictionem. — C. Num me iterum per grammaticam ducere disponis? — A. Dispono, sed excelsiore gradu. Et si interrogas, videbis, quantum distat dialectica [Ait., dialecticæ] subtilitas a grammatica simplicitate.

#### Definitio nominis.

C. Nomen quid est? — A. Vox significativa secundum placitum, sine tempore, diffinitum aliquid significans, in nominativo casu, cum *est* et *non est*, in obliquis casibus nihil, cuius nulla pars est significativa separata. Ut: Socrates. — C. Lucidius hanc philosophicam diffinitionem explana. A. Nomen est *vox significativa*. Nam omne nomen aliquid significat, visibile vel invisible, substantiale vel accidens. — C. [Quomodo substantiale, vel accidens]? — A. Omnis enim natura, quæ substantia dici potest; ut *homo*. Et omni igitur naturæ, præter Dei solius, aliquid accedit; ut homini in corpore calor, in animo disciplina.

C. Nunquid non Deo accedit bonitas, justitia, et cæteræ virtutes? — A. Non accedit ei bonitas et justitia; sed [Ait., quia] ipse est bonitas et justitia: ita et de aliis virtutibus sentiendum est.

C. Quid est, secundum placitum? — A. Id est, secundum compositionem singularum gentium. Nam res eadem omnibus gentibus sunt; nomina vero diversa, et secundum placitum imponentium composita, ut auri eadē natura est apud Græcos et Latinos; dum illi hoc *Kryson* nominant, isti *aurum*. — C. Quomodo sine tempore? — A. Quia nomen tempus non attrahit, sicut verba faciunt.

C. Quid est, diffinitum aliquid significat? — A. Omne enim nomen in nominativo casu cum verbo substanciali *sum* aliquid certum significat, in affirmatione vel negatione; ut, *homo sum*, *homo es*, *homo est*. *Arbor non sum*, *non es*, *non est*. In obliquis vero casibus nihil certum significat, nisi additis aliis partibus ab plenam significationem, ut, *Hominis istius est liber iste*; ut, *Huic homini da hunc librum*; ut, *Hunc hominem legere sic librum istum*, ut, *Ab hoc homine librum istum didici*.

C. Quid est, cuius nulla pars est significativa separata? A. Nam Socrates trisyllabum nomen est; separatis vero singulis syllabis, nil per se significat, nec *So*, nec *cra*, nec *tes*.

**351** C. Num non domus, si dividitur in duas syllabas, id est, *do* et *mus*, significat tamen aliquid? et talia innumera. — A. Significat enim, sed nihil ad prioris nominis significationem pertinet secundi nominis significatio. Nam *mus* animal est per se; et *do* verbum aliquid actionis significans: sed utrumque significatio nil ad domum significandam pertinet.

C. Qualiter in compositis nominibus, ut est *hirocervus*, quod græce *tragelaphus* dicitur; num non

A ideo hircocervus videtur dici, quia quamdam similitudinem habet cervi, quamdam hirci? — A. Forte fieri potest, ut ideo dicatur. Sed si hircocervum non nō, quod animal tunc intelligis me significare; vel hircum vel cervum [Ms., hircorum vel cervorum]? — C. Nec hircum, nec cervum; sed illud animal, quod eo solet nomine significari. — A. Et ideo nihil illud nomen separatum significat, quod ad priam naturam pertineat, quam primo significare incipiebat.

#### Definitio verbi

C. Verbum quid est? — A. Vox significativa secundum placitum, cum tempore diffinitum aliquid significans, et accidens. — C. Intelligo enim ex prioris diffinitionis interpretatione, quid est vox significativa, et quid secundum placitum. Et forte quid sit *cum tempore* video, quia verbum solet secum tempus attrahere. Sed expone, quid sit diffinitum aliquid significans et accidens? — A. Nam omne verbum certam significat actionem et [Ait., vel] passionem, ut, video vel videor. Et cuilibet substantiæ illa actio vel passio solet accidere, ut, puta, homini videre vel videri.

C. Si omnia [verba] actionem [Ms., actum] vel passionem significant, unde aliqua dicuntur neutralia? — A. Non ideo, quod unam ex his non habeant significationem; sed quia uniformiter semper proferuntur, id est, vel actum solum, ut manduco, curro; vel passionem, ut, vapulo, veneo. Sed haec alias.

#### Definitio orationis.

C. Oratio quid est? — A. Congrua partium ordinatio, perfectam sententiam demonstrans, cuius partium aliquid separatum significativum est. — C. Quomodo separatum significativum? — A. Plena oratio: *Virgilius Æneadas cecinit. Virgilius* igitur et *Æneadas* et *cecinit* hæc tria separata aliquid per se significant: *Virgilius* hominem, *Æneadas* gentem, *cecinit* [actum].

#### Definitio enuntiationis.

C. Quid est enuntiatio? — A. Enuntiatio est oratio veri vel falsi significativa. — C. Quomodo veri vel falsi significativa? — A. Principales sunt species orationis, secundum dialecticos, quinque; sed hæc

D sola, id est, enuntiativa verum aliquid vel falsum significat; ut, *homo est*, vel *homo non est*; *Socrates disputat*, *Socrates non disputat*. Horum enim unum verum esse necesse est, id est, aut Socratem disputare, aut Socratem non disputare. Et in hac sola specie philosophi, qui de veritate rerum vel de falsitate disputaverunt, omnes suas posuerunt controversias.

C. Num et illæ aliae species quatuor ad dialecticos non pertinent? — A. Non pertinent ad dialecticos, sed ad grammaticos.

C. Tamen illarum nomina cum exemplis dico.

#### Interrogativa.

A. Est enim quædam species orationis interrogativa, ut:

**a** Quo te, Mori, pedes? an, qua (Ms., et quo) via ducit, **A**  
(in urbem?)

*Imperativa.*

Est quoque quædam species orationis imperativa:

**b** Vade age, nate, voca Zephyros et labere pennis.

*Deprecativa.*

Est etiam quædam orationis species deprecativa, ut:

**c** Juppiter esto pius, precibus si flecteris ullis.

**352** *Vocativa.*

Est etiam species quædam orationis vocativa, ut:

Huc ades, o Melibæe.

Sed nulla barum specierum aliquid verum vel falsum significare potest; sed sola enuntiativa aliquid veritatis vel falsitatis ostendit.

**a** Virg. Ecl. ix, 4.

**b** Virg. Æn. iv, 223.

**c** Virg. Ibid. II.

*Definitio affirmationis.*

C. Affirmatio quid est? — A. Affirmatio est enumeratio alicujus de aliquo, ut, *Socrates est*; vel alicujus de aliqua re, ut, *Cælum volubile est*.

*Item definitio contradictionis et negationis.*

C. Negatio quid est? — A. Negatio est alicujus ab aliquo, ut, *Socrates non est*; vel alicujus de aliqua re; ut, *cælum volubile non est*. — C. Contradiccio quid est? — A. Contradiccio est affirmationis et negationis oppositio, ut: *Socrates disputat* · *Socrates non disputat*.

Philosophia	Physica	{ Arithmetica Geometria Musica Astronomia Prudentia Justitia Fortitudo Temperantia Dialectica Rhetorica d.
	Ethica	
	Logica	

**d** In Cod. ms. Viennensi additur: *De Dialectica ejusque virtutibus regis Caroli et Albini disputatio finit.*

**OPUSCULUM QUINTUM.****PIPPINI REGALIS ET NOBILISSIMI JUVENIS****DISPUTATIO**

CUM ALBINO SCHOLASTICO.

**MONITUM PRÆVIVUM.**

**Ci.** Quercetanus Disputationem quæ sequitur editit juxta exemplar impressum Hamburgi anno 1615. In codice ms. Salisburgensi 900 annorum eadem Disputatio exstat media inter epistolæ et carmina Alcuini, absque tamen auctoris nomine; e quo lectiones variantes adnotavimus.

**Pippinus.** Quid est littera? — **Albinus.** Custos historie.

**P.** Quid est verbum? — **A.** Proditor animi.

**P.** Quis generat verbum? — **A.** Lingua.

**P.** Quid est lingua? — **A.** Flagellum aeris.

**P.** Quid est aer? — **A.** Custodia vitæ.

**P.** Quid est vita? — **A.** Beatorum lætitia, misericordia mœstitia, expectatio mortis.

**P.** Quid est mors? — **A.** Inevitabilis eventus, incerta peregrinatio, lacrymæ viventium, testamentum firmamentum, latro hominis.

**P.** Quid est homo? — **A.** Mancipium mortis, transiens viator, loci hospes.

**P.** Cui similis est homo? — **A.** Pomo.

**P.** Quomodo positus est homo? — **A.** Ut lucerna in vento.

**P.** Ubi est positus? — **A.** Intra sex parietes.

**P.** Quos? — **A.** Supra, subtus; ante, retro; dextra laevaque.

**353** **P.** Quot modis variabilis est? — **A.** Sex.

**P.** Quibus? — **A.** Esurie et saturitate; requie et labore; vigiliis et somno.

**C** **P.** Quid est somnus? — **A.** Mortis imago.  
**P.** Quid est libertas hominis? — **A.** Innocentia.  
**P.** Quid est caput? — **A.** Culmen corporis.  
**P.** Quid est corpus? — **A.** Domicilium animæ.  
**P.** Quid sunt comæ? — **A.** Vests capitis.  
**P.** Quid est barba? — **A.** Sexus discretio, honor ætatis.

**P.** Quid est cerebrum? — **A.** Servator memoræ.  
**P.** Quid sunt oculi? — **A.** Duces corporis, vasa luminis, animi indices.  
**P.** Quid sunt nares? — **A.** Adductio odorum.  
**P.** Quid sunt aures? — **A.** Collatores sonorum.  
**P.** Quid est frons? — **A.** Imago animi.  
**P.** Quid est os? — **A.** Nutritor corporis.  
**P.** Quid sunt dentes? — **A.** Mola [Ms., Molar] morsorum.

**P.** Quid sunt labia? — **A.** Valvæ oris.  
**P.** Quid est gula? — **A.** Devorator cibi.  
**P.** Quid manus? — **A.** Operarii corporis.  
**P.** Quid sunt digiti? — **A.** Chordarum plectra.  
**P.** Quid est pulmo? — **A.** Servator aeris.  
**P.** Quid est cor? — **A.** Receptaculum vitæ.  
**P.** Quid est jecur? — **A.** Custodia caloris.  
**P.** Quid est fel? — **A.** Suscitatio iracundiae.  
**P.** Quid est splenis? — **A.** Risus et letitiae capax.  
**P.** Quid est stomachus? — **A.** Ciborum coctor [Ms., coquator].  
**P.** Quid est venter? — **A.** Custos fragilium.